

中國方志叢書·華南地方·第一八九號


據

民國·黃瓚修，朱汝珍纂
民國二十七年鉛印本

影印

廣東省

陽山縣志



成文出版社有限公司印行



10096520

中國方志叢書·華南地方·第一八九號


據

民國·黃瓚修，朱汝珍纂
民國二十七年鉛印本

影印

廣東省

陽山縣志



成文出版社有限公司印行



10096521

中華民國六十三年十二月臺一版

陽山縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民國二十七年重修

陽山縣志

南海陳蔭仰書



陽山縣志序

歲丙子夏汝珍遊南洋識陽山吾宗海均於金寶交晚而情厚瀕行海均諄諄以總纂陽山縣志相屬謂全邑僑衆意也以學荒心雜初未敢承是多海均鄉旋邀往參觀其所建先德學發公祠及新闢大禾江村莊見其宏壯之規模爲我北江數府州所未有蓋海均年未及冠學發公即命其涉南洋習礦業後成偉業是具有大過人之識見者稽諸志乘殊不多觀宜其享此崇報也周覽縣境又覺其風俗淳樸物產豐贍而山川靈秀之氣磅礴鬱積故不少豪傑有志不自菲薄之人心焉羨之先是咸豐四年北江賊匪猖獗先考實愚太守公居崑壯敏公戎幕鎮守韶州嘗以兵保衛陽山七輩諸鄉未遭蹂躪海均謂鄉人歌頌功德至今弗衰汝珍至則承各鄉紳耆推愛款待優隆心更欽其篤厚時則黃德馨縣長瓚監修縣志黃典常學博中理與同邑諸君子從事纂輯其中惟事記一編未竣民國十四年以後尙待採訪餘悉就緒矣猥探虛聲聘汝珍爲總纂海均復申前請意至懇懇適汝珍修清遠縣志屬草甫成念兩邑毗連關繫密切正資參稽互證遂不復辭訂即就已成之稿作一結束詳閱纂筆義

側嚴而品式備已極可觀汝珍所可効力者惟字句之修飾而已因邀順德胡孝廉靖襄助以丁丑七月開始臘月告成維時陳公藻卿來長陽山即以草稿寄呈鑒定承示以下車祭屠公洪基墓詩一首始知屠公閨門殉難爲陸志所未詳當亟補書以彰忠烈至是典常學博力任籌款屬爲付梓乃慶觀成汝珍於斯有說焉陽山地廣人稀嶽崎險阻昌黎韓公至謂此爲天下之窮處幾以化外視之汝珍則以爲其地儼然有良田美池阡陌交通雞犬相聞所產固恆足自給復據有天險蠶叢鳥道足以限戎馬之足而自固桃源之境不是過也尤足羨者山脈雄奇蘊藏至富近者邑人負笈重洋於廿人之學精研有得已去僻陋而進於文明如吾宗海均以礦業起家手致鉅富翹然爲海外雄即其最著者也若歸而求諸父母之邦興其實藏則貨不棄地實足裕國而阜民且後起多材方出而研求世界各種科學必能成偉大事業蔚爲將來志乘之光此則韓公意料所不及者己戊寅四月清遠朱汝珍謹序

續修陽山縣志職名

倡修

陽山縣縣長

歐汝鈞

字贊洪
山縣人

主修

陽山縣縣長

黃小璣

字德馨
西信都人

陽山縣縣長

陳藻卿

字海範
南海縣人

主務

兼政財

清儒學生員

黃中理

字典常
水口鄉人

總纂

清翰林院編修

朱汝珍

字聘三
遠縣人

分纂

兼校勘

清舉人

胡靖

字遠順
德縣人

清拔貢

楊仲修

字伯侶
黎埠鄉人

清儒學廩生

何保之

字子鄉
杜步鄉人

清儒學生員

鄧卿雲

字祥甫
太平鄉人

清儒學生員

陳運棠

字甘泉
祥架鄉人

清儒學廩生

羅史

字信初
秦岡鄉人

清儒士

陳植隆

字士培
小江鄉人

顧問

清拔貢

黃穎士

字藕如
七章鄉人

繪圖

黎四明

江南
縣人
九

督印

黃景流

德字
縣人
順

校對

朱世銘

遠字
縣人
清

謄錄

黃搏萬

順
縣人

陽山縣志例言 新增例言九條

陸向榮曰地理莫重於圖圖必開方計里古法也昔裴秀論圖體有六而所著不傳近代志家亦第彷彿其說我朝胡朶明禹貢錐指實得古地圖遺法茲宗其意析縣圖則爲四鄉合鄉圖仍爲全縣廣輪之數相錯之界頗覺瞭如

歷代郡縣分併增省最爲紛糾或名異而實同漢有陰山縣實今陽山縣境或名同而實異梁置陽山郡實洽光縣地非今陽山縣也博稽互證仿史例爲表而別爲考以明表中所據非敢憶斷云

星野之談自古聚訟荆楚屬天文翼軫所統甚廣陽山祇桂陽一隅所當宿度分秒幾何乃博引繁稱謂以是明天紀廓矣且虛而求之天文孰若以地里上叶天度爲得其實折衷舉要而星野諸家之論概可從刪

舊志於村莊名目詳列無遺似失之冗然量地制邑度地居民凡茲生聚之區實守土者所宜周悉故仍錄之

舊志列山川於名勝謝肇淛滇畧例也併學校於建置康海武功志例也

竊謂山川實繫封域非資勝覽邑無名山大川麗於輿地足矣學校雖建置之一端然養士化民厥典尤鉅是宜別立一門以見庠序之設不後於城池也

舊志於山川外另列水道陂塘爲一門曰河渠志未免贅疣水道即川之支流陂塘乃邑之水利茲合水道於川而以水利附其後

祠廟以祀典爲斷舍是即方外香火區耳舊志頗失限制茲以凡在祀典者統入建置之壇廟餘悉彙附寺觀以省紛繁

古之地志惟載封域山川風俗物產而已宋樂氏寰宇記始略載人物遂爲後來志乘之濫觴踵事增華往往列傳侔於家乘茲所錄人物或以仕績顯或以學行著悉徵諸載籍探自鄉評未嘗稍事夸飾且必沒而論定然後收入正傳統曰人物不曰鄉賢者鄉賢品目定自朝廷非人物之通稱也

呂纂在陽山著作彪炳千古後有作者誠未易與之並傳舊志藝文專錄韓作其例甚善惟所載諸篇多有與陽山無涉者證以韓集刪其泛錄正

不必侈卷帙之繁

范石湖志吳郡以詩文散錄各條之下康氏武功志宗之舊志用其例而未善遂至連篇累牘所見無非詩文而紀事之正文轉隱茲悉改從附註庶幾本末不淆

志爲邑志惟邑事乃書歷代水旱災侵與夫頑梗之叛服尤爲一邑大事特書於冊以守土者弭盜防患將有鑑於斯也其都會通制舊簡濫登悉從刪汰

陽山自昌黎至止名勝漫開訪古留題不乏名賢石刻茲爲搜探著諸篇開附案語考證其六畧從新修廣東通志例也但省志金石第錄元以前茲則兼錄近今蓋一邑古刻無多不能過爲限制耳

按陸志義例善矣茲有宜補訂者按時事參羣書爲酌定數條如左

一志既重在圖陸志所繪縣全圖暨四分鄉圖於山河形勢市鄉位置訛舛實多蓋由得之懸揣而未經實測也今於縣全圖採取近年政府陸地測繪圖其有未到測之缺畧處則補繪以足之並分繪二十鄉鄉圖是

皆實地徵驗視舊志爲詳確庶閱者一目瞭然

一選舉舊爲薦辟與制科一變而趨重學校其畢業獎勵與選舉畧同以類附從實相符合至陸志於選舉人名下載其官職既覺所語弗詳又以任文武職之邑人附入選舉亦覺其途各異且近來邑人出任文武職者日多今另立仕宦一門自爲一卷以自明至今邑人之出仕者屬之詳書其仕履

一陸志分人物列女爲兩門夫列女亦人物之一也茲改人物爲列傳而列女則仍之查他邑列傳於孝友義行忠烈文學善行諸類細爲分晰殊可不必覽傳而其人具見矣後漢書立儒林文苑傳宋書立道學傳識者譏焉以爲是不足盡其人也陸志於此無分類茲從之惟陸志列耆壽封贈於選舉後列命婦於列女後則不敢從以耆壽封贈皆非選舉命婦究殊於列女也且今續載耆壽內有壽婦故別耆壽爲一門以鄉飲賓附之

以鄉飲賓附耆壽從史澄廣州府志例也別封贈爲一門以命婦附之合爲一卷畧從其類

一凡作列傳本當據碑誌傳狀纂輯成篇惟陽山俗尙朴淳士鮮標榜碑

誌傳狀所見無多若必字字有據始筆於書則可紀者寥寥轉失與人爲善之旨今所續纂或憑訪冊或採鄉評藉彼口碑成斯信史務闡幽光潛德冀裨世道人心

一陸志藝文本舊志專載韓文以爲後有作者未易與之並傳似矣抑不必其然也夫時有遷變學貴發明伏羲畫八卦而文王周公孔子爲彖辭爻辭十翼繼之演而成易孔子垂論語後人以大學中庸孟子配之合而名四書夫文所以記事而明道也前修不以專美後來不矜居上錄其一而棄其餘何以爲多識資乎攷諸史藝文志專載書目而諸邑藝文志載邑人著作於書目外或兼載其自序之文果其立言典雅說理精詳洵足廣見聞而裨觀感惟邑人著述未見成書故今仍陸志之舊專錄韓文所有邑人述作祇纂入本傳及附錄於某地某事條下不盡則雜錄中詳之繼自今名著日出爲邑乘光後之修志者可變通而詳載於篇勿拘前例一善善從長惡惡從短志例則然異於史例然其中爲一邑大事又未能遽斷其是非者則當據事直書以待後人之論定今之續志義本於此既

憑各鄉陳報兼察與人誦言務盡集思廣益之公悉泯彼界此疆之見
一清紀文達公謂戈芥舟修獻縣志載乩仙聯句及王生殤子二事正以
見匹夫匹婦足感神明用以激發善心砥礪薄俗非以小說家言濫登輿
記後之史傳志乘遂多有此今仿其例畧取邑中神異靈應衆人耳目所
接數事編載雜錄中此皆信而有徵非以導迷實資博識

一石刻以古爲貴陸志所錄則下及近今謂邑中古刻無多不必過爲限
制然錄其可錄者舍其不足錄者仍不濫也世人好名故邑中韓公讀書
臺釣魚磯及賢令山北山寺等處與夫峭壁懸崖題刻不可勝紀今茲所
錄務擇其精猶陸志義也惟陸志有石無金故稱石刻今搜得鐘鼎數事
製自前明特編錄於其中改目錄爲金石

一陸志體例謹嚴參攷精核已概因之即補訂數條亦未戾乎陸志之旨
也惟今次編纂爲陸志後百有餘年之事實且其間時勢大有變遷脫稿
匆匆謬闕在所不免正譌補闕敬俟後賢

陽山縣志目錄

卷之首

舊志攷

卷之一

輿地上 諸圖沿革封建疆域分野形勝都里

卷之二

輿地下 山川水利氣候風俗物產經緯附

卷之三

建置 城池營署壇廟倉廩市場梁津驛舖路亭公益事業

卷之四

職官 文職武職

卷之五

經政 戶口賦稅俸餉鹽課當舖礦冶郵政

卷之六

學校 學宮 書院 學校 社學 鄉約 附

卷之七

選舉 薦辟 進士 舉人 武舉 貢生 學校 畢業 獎勵

卷之八

仕宦 文職 武職

卷之九

兵防

卷之十

官績 寓賢

卷之十一

列傳

卷之十二

列女

卷之十三

耆壽 鄉飲賓附

封贈 命婦附

卷之十四

古蹟 城址 廢署 臺宇 塚墓 寺觀 祠廟

卷之十五

事記

卷之十六

藝文

卷之十七

金石

卷之十八

雜錄